

Հ. Գ. ԿՈՒՐՆԻՆՑԱՆ

ԵԳԻՊՏԱՑՈՐԵՆԻ ՄԻ ՔԱՆԻ ՍՈՐՏԵՐԻ ՈՒՍՈՒՄՆԱՍԻՐՈՒԹՅՈՒՆԸ
ԿԱԼԻՆԻՆՈՅԻ ՇՐՋԱՆՈՒՄ

Մեր նպատակն է եղել՝ Լոռու հարթավայրի պայմաններում 1950—51 թթ. ստուգել ու հայտնաբերել սիլոսի համար եգիպտացորենի առավել բերքատու, ցրտադիմացկուն և որպես անասնակեր բարձր արժեք ներկայացնող սորտեր՝ արտադրության մեջ ներդնելու համար:

Սորտափորձարկման են դրվել եգիպտացորենի 9 սորտեր և մեկ ձև՝ Միննեոտատ-23, Գրուշնակայա, Կարծր-13 ձև, Նիրբիզ Բուկովսկի, Բարբա, Ստերլինգ, Իմերետինսկի, Շաքարային, Աղժամետսկի, Կրուզ:

Փորձերը կատարվել են 1950—1951 թվականներին Լոռու հարթավայրի (Անասնապահության ինստիտուտի փորձադաշտում) անջրդի պայմաններում (Կալինինո):

Բույսերի աճման ու զարգացման լավադույն պայմանները ստեղծելու նպատակով 1950 թվականին, ցանքերի մասսայական ծլումից հետո, հանքային պարարտանյութերով սնուցում է տրվել յուրաքանչյուր հեկտարին ամանիում սուլֆատ՝ 100 կգ, սուպերֆոսֆատ՝ 180 կգ, կալիումական աղ՝ 80 կգ, իսկ 1951 թվականին նույն պարարտանյութերը և նույն քանակով տրվել են նախացանքային փոշխի տակ:

1950 թվականի փորձի նախորդը եղել է կարտոֆիլ իսկ 1951 թվականին՝ ճիմ:

Ցանքը կատարվել է 1950 թվականի մայիսի 4-ին, 1951 թվականին՝ ապրիլի 13-ին, 50 քառակուսի մետր փորձամարզերում: Ցանքը կատարվել է 45 սմ միջշարքային տարածություններով, իսկ շարքերում բույնը բնից 25 սմ հեռավորությամբ, յուրաքանչյուր բնում նոսրացումից հետո թողնելով է երկու բույս: Վեգետացիայի ընթացքում կատարվել է բույսի բարձրության, բույսի վրա տերևների թվի, տերևների երկարության ու լայնության, կողրերի թիվը մեկ բույսի վրա, բույսերի չոր և թաց մասսայի հարաբերակցությունը, կողրերի երկարության ու տրամագծի շարքերի թիվը մեկ կողրի վրա, հատիկների թիվը մեկ շարքում, հատիկների բացարձակ կշիռը և բերքի հաշվառումը:

1950 թվականին Կալինինոյում կլիմայական պայմաններն այնքան էլ նպաստավոր չէին եգիպտացորենի աճման ու զարգացման համար: Գարունը խիստ անձրևային էր, ամառը, ընդհակառակը, Լրացու, այն ժամանակ, երբ եգիպտացորենի բույսն իր ծաղկման ֆազում (որը համընկնում է ամառային ամիսներին) ավելի մեծ պահանջ ունի խոնավության:

Չնայած այս հանգամանքին՝ եգիպտացորենի բույսերն իրենց այնքան էլ վատ չզգացին: 1950 թվականին եգիպտացորենի բույսերը ծաղկման սկզբին ունեին, միջին հաշվով, 120 սմ բարձրություն, բավական լայն ու երկար տերևներ, բացի սրանից, աչքի էր ընկնում եգիպտացորենի մեկ բույսի վրա կողրերի թիվը այն է՝ միջին հաշվով 1—2 (տես աղյուսակ 1):

Աղյուսակ 1

Եգիպտացորենի բույսերի ուսումնասիրությունը 1950—1951 թթ.

Սորտերի անունը	Բույսերի բարձրու- թյունը սմ		Տերեւերի թիվը		Տ և ր և ի				Կողրերի թի- վը մեկ բույ- սի վրա	
	1950	1951	1950	1951	Էրկար. սմ		Լայն. սմ		1950	1951
Միննեոտա-23	113,4	—	8,3	—	64,2	—	7,7	—	1,5	—
Գրուչեակայա	111,2	—	7,8	—	68,4	—	8,3	—	—	—
Բարբա	125,8	—	9,8	—	71,2	—	9,6	—	1,0	—
Հիբրիդ Բուկովսկի	125,2	—	9,4	—	71,4	—	8,4	—	1,4	—
Կարծր 13 ձև	—	182	—	16	—	92,3	—	9,7	—	1,2
Ստերլինդ	—	150	—	11,6	—	70,8	—	8,6	—	1,2
Իմերետինսկի	—	142	—	14,2	—	75	—	10,6	—	1,6
Շաբարային	—	107	—	9,2	—	64,2	—	8,5	—	1,2
Աղժամեռակի	—	183	—	16	—	94,6	—	10,4	—	1,6
Կրուզ	—	192,4	—	16,2	—	93	—	10,6	—	1,6

Աղյուսակի տվյալներից երևում է, որ ընդհանուր տերևածածկոցի մեծությամբ առաջին տեղը բռնում է Կրուզ սորտը, որի բույսն ունի 192,4 սմ միջին բարձրություն և մեկ բույսի վրա 16 և ավելի տերև մեկ բույսի վրա կողրերի թիվը նույնպես բարձր է՝ 1,6: Կրուզ սորտից ետ չեն մնում Աղժամեռակի սորտը և Կարծր-13 ձևը, որոնց բույսն ունի 182—183 սմ միջին բարձրություն, 16 տերև, իսկ մեկ բույսի վրա կողրերի թիվը համասար է 1,2—1,6-ի:

Եգիպտացորենի բույսի գլխավոր ցողունի վրա տերևների թիվը տվյալ սորտի համար կայուն է ու քիչ է փոփոխվում արտաքին պայմանների ազդեցությունից, և դա բավական ճիշտ ցուցանիշ է տվյալ սորտի վեգետացիոն շրջանի տևողությունը որոշելու համար. ամենից վաղահասն է այն սորտը, որն ունի թվով քիչ՝ 8—10 տերև, իսկ ամենից ուշահասը՝ մինչև 25 տերև:

Եգիպտացորենի Գրուչեակայա սորտը, որն ունի 8—9 տերև, Կալինինոյի պայմաններում ամենից վաղահասը դուրս եկավ և շուտ ծաղկեց, իսկ Աղժամեռակի և Կրուզ սորտերը, որոնք ունենին 16 և ավելի տերև, ավելի ուշ ծաղկեցին:

Հայտնի է, որ բարձրորակ սիլոս ստացվում է այն դեպքում, երբ սիլոսացվող մասսայի մեջ բույսի փայտացած մասեր քիչ են լինում: Բույսի ավելի շատ սննդանյութեր պարունակող մասերի՝ տերևի ու հատիկի տոկոսը որքան բարձր լինի սիլոսացվող մասսայի մեջ, այնքան լավորակ սիլոս կստացվի:

Ուսումնասիրությունների ընթացքում որոշվել է եգիպտացորենի փորձարկվող սորտերի չոր և թաց մասսաների հարաբերակցությունը: Տվյալները բերվում են աղյուսակ 2-ում:

Աղյուսակ 2

Եգիպտացորենի չոր մասսայի կուլնքը առկունքով

Սորտի անվանումը	Բ ա ռ յ ս ի կ շ ի ո ը		
	մինչ չորացումը	չորացումից հետո	չոր մասսայի կուլնքը % ներքով
Միննեսոտա-23	930	229	24,5
Գրուշևսկի	840	223	26,5
Կարծր-13 ձև	700	210	30,0
Բարբա	980	310	31,6
Հիբրիդ բուկովսկի	785	217	27,7
Ստերլինգ	910	152	16,7

Աղյուսակ 2-ի տվյալներից երևում է, որ փորձարկվող սորտերից ամենամեծ քանակությամբ չոր մասսա տալիս են բարբա սորտը՝ 31,6 % և կարծր նոր ձևը՝ 30 %, իսկ մնացած սորտերը տալիս են ավելի պակաս քանակությամբ չոր մասսա: Բացի այդ, փորձերից պարզվում է նաև, որ եգիպտացորենի կուլտուրայից չոր մասսայի ելը ընդհանրապես չափ ցածր է: Այստեղից հետևում է, որ ավելի լավ է եգիպտացորենն օգտագործել կանաչ և սիլոսացված վիճակում, այն որպես խոտ չպետք է օգտագործել: Քանի որ տնտեսապես ձեռնատու չէ:

1950—1951 թվականներին դրված փորձերը ցույց տվեցին, որ Կալինինոյի շրջանի անջրդի պայմաններում, որպես սիլոսացվող կուլտուրա, կարելի է մշակել եգիպտացորեն, որը հյութալի է, պարունակում է մեծ քանակությամբ սննդանյութեր և ունի միջին բերքատվություն:

Բերքատվության արդյունքները բերվում են աղյուսակ 3-ում:

Աղյուսակ 3

Եգիպտացորենի կանաչ մասսայի միջին բերքը

Սորտերի անվանումը	Բ Ե Ր Ք Ր Գ Ն	
	1950	1951
Միննեսոտա-23	169	—
Գրուշևսկայա	220	—
Կարծր-13 ձև	250	262
Բարբա	182	—
Հիբրիդ Բուկովսկի	188	—
Ստերլինգ	262	180
Աղժամեսկի	—	171
Կրուգ	—	266,5
Շաբարային	—	211
Իմերետինսկի	—	220

Աղյուսակում բերված տվյալներից երևում է, որ փորձարկվող սորտերից կանաչ մասսայի ամենաբարձր բերք տալիս են Կրուգ սորտը՝ 266,5 ց/հ, Ստերլինգ սորտն ու Կարծ-13 ձևը՝ 262 ց/հ, Գրուշևսկի և Իմերետինսկի սորտերը՝ 220 ց/հ:

Բացի կանաչ մասնայից, 1951 թվականին մեզ հաջողվեց Կալինինոյի փորձադաշտում Կարծր-13 ձևից ստանալ եգիպտացորենի հասունացած հատիկներով որոշ կոդրեր:

Ստացված կոդրերն ունեին 17,3 սմ երկարութուն, մեկ կոդրի վրա կար 12 շարք, յուրաքանչյուր շարքում 30,1 հատիկ, հատիկների բացարձակ քաշը՝ 150 գրամ:

Այս կոդրերն ստանձնացված են հետագա սելեկցիոն աշխատանքների համար:

Մեր երկարամյա փորձերի տվյալներից մեզ հիմք են տալիս անելու հետևյալ եզրակացութունները:

1. Կալինինոյի շրջանում, որպես սիլոսացվող կուլտուրա, կարելի է մշակել եգիպտացորեն, միայն պետք է ընտրել բարձրագիր հոգեր, որտեղ դարձանային ջրերը չեն կուտակվում:

2. Սիլոսային մասնա ստանալու համար կարելի է մշակել եգիպտացորենի Կրուգ, Իմերետինսկի և Շաքարային 148 սորտերը, իսկ հատիկ ստանալու համար՝ Գրուշևսկի սորտը և Կարծր-13 ձևը:

Հայկական ՍՍՏ Գյուղատնտեսության

Առանձնագրական ինստիտուտ:

Р. Г. КУРГИНЯН

ИЗУЧЕНИЕ НЕКОТОРЫХ СОРТОВ КУКУРУЗЫ В КАЛИНИНСКОМ РАЙОНЕ

Р е з ю м е

Перед нами была поставлена задача изучить и выделять высокоурожайные сорта кукурузы, пригодные для возделывания в высокогорных влажных районах (Калининский район). Эти сорта должны быть хладостойки, засухоустойчивы и скороспелы, с одновременным обеспечением высокой урожайности.

С этой целью в 1950 году нами были поставлены опыты на Калининском опытном поле.

Было испытано 10 сортов кукурузы. В течение двух лет были произведены наблюдения, описания и анализы (данные приведены в таблицах 1, 2, 3), показывающие, что в более влажных условиях Калининского района содержание влаги в растениях выше, а процент сухих веществ ниже.

Проведенные нами двухлетние наблюдения показали, что в Калининском районе на богаре можно с успехом культивировать кукурузу на силос. Эта культура дает высокий урожай и содержит большое количество сочной питательной массы.

Сорт кукурузы—Круг дал лишь 266,5 центнера зеленой массы. Низкая урожайность объясняется тем, что кукуруза—растение теплого климата, попадая сразу в резко отличные условия холодного Калининского района, приспособляется с трудом.